

ARREST DE 7  
LA COVR DE  
PARLEMENT,

C O N T R E

Iean Chastel estudiant à Paris au College  
des Iesuites condamné pour atentat  
de parricide sur la personne  
du R o y.


*Nil proficiet inimicus in eo & filius iniquitatis  
non apponet nocere ei. Psal. 88.*

A V E C

Vn nouveau discours sur ce College &  
autres ses confreres en  
FRANCE.



10 M. D. XCV.



**ARREST DE LA COUR DE**  
*Parlement, contre Iean Chastel Eschotier. estu-*  
*diant au College des Iesuites, pour le parricide*  
*par luy attente sur la personne du Roy.*

Extrait des Registres de Parlement.

**V**E v par la Cour, les grand Chambre & Tournelle asséblees, le procez criminel commencé à faire par le Preuost de l'Hostel du Roy, & depuis paracheué d'instruire en icelle à la requeste du Procureur general du Roy demandeur & accusateur à l'encontre de Iean Chastel natif de Paris, escholier ayât fait le cours de ses estudes au College de Clermont, prisonnier és prisons de la conciergerie du Palais : Pour raison du tres-execrable & tres-abominable parricide attenté sur la personne du Roy. Interrogatoires & confessions dudit Iean Chastel, oy & interrogé en ladite Cour ledict Chastel sur le fait dudit parricide. Ouys aussi en icelle Iean Gueret Prestre, soy disant de la congregatiō & societé du nom de Iesus demurant audit College, & cy deuant Precepteur dudit Iean

Chastel: Pierre Chastel, & Denise Hazard, pere & mere dudit Iean. Conclusions du Procureur general du Roy, & tout considéré.

Il sera dit, que ladite Cour a déclaré & déclaré ledit Iean Chastel, atteint & convaincu du crime de leze majesté, diuine & humaine au premier chef, par le tres-méchant, & tres-detestable parricide attenté sur la personne du Roy: pour reparation duquel crime a condamné & condamné ledit Iean Chastel à faire amende honorable deuant la principale porte de l'Eglise de Paris, nud en chemise, tenant vne torche de cire ardente du poix de deux liures, & illec à genoux dire & declarer que mal-heureusement & proditoirement il a attenté ledit tres-inhumain & tres-abominable parricide: & blessé le Roy d'un cousteau en la face: & par fauses & damnables instructions il a dit audit procez estre permis de tuer les Roys, & que le Roy Henry quatriesme à present regnant n'est en l'Eglise, iusques à ce qu'il ait l'approbation du Pape: dont il se repend & demande pardon à Dieu, au Roy &

à l'u-

à Iustice. Ce fait, estre mené & conduit en  
vn tumbereau en la place de Greue. Illec te-  
naillé aux bras cuiffes, & sa main dextre, te-  
nant en icelle le cousteau duquel il s'est ef-  
forcé commettre ledit parricide, couppee.  
Et apres, son corps tiré & demembre avec  
quatre cheuaux, & ses membres & corps iet-  
tez au feu & consumez en cendres, & les  
cendres iettees au vent. A déclaré & de-  
clare tous chacuns ses biens aquis & confis-  
quez au Roy. Auant laquelle execution,  
sera ledit Iean Chastel appliqué à la ques-  
tion ordinaire & extraordinaire, pour sa-  
uoir la verité de ses complices, & d'aucuns  
cas resultans dudit procez. A fait & fait in-  
hibitions & defences à toutes personnes de  
quelque qualité & condition qu'elles soient,  
sur peine de crime de leze Majesté, de di-  
re ne proferer en aucun lieu public, ne  
autre, lesdits propos: lesquels ladite Cour a  
déclaré & declare scandaleux, seditieux,  
contraires à la parole de Dieu, & condam-  
nez comme heretiques par les saints De-  
crets. Ordonne que les Prestres & Escho-  
liers du College de Clermont, & tous au-  
tres,

tres, soy difans de ladite société, comme cor-  
rupteurs de la ieunesse, perturbateurs du re-  
pos public, ennemis du Roy, & de l'Estat,  
vuidront dedans trois iours, apres la signi-  
fication du present Arrest, hors de Paris, &  
autres villes, & lieux où sont leurs Colleges:  
& quinzaine apres, hors du Royaume, sur  
peine où ils y seront trouuez ledit tems pas-  
sé, d'estre punis comme criminels & coul-  
pables dudit crime de leze majesté. Seront  
les biens, tant meubles qu'immeubles à eux  
appartenans employez en œuvres pitoya-  
bles, & distribution d'iceux faite ainsi que  
par la Cour sera ordonné. Outre, fait des-  
fences à tous sujets du Roy d'enuoyer des  
escholiers aux Colleges de ladite société  
des Iesuites, qui sont hors du Royaume,  
pour y estre instruis, sur la mesme peine de  
crime de leze Majesté. Ordonne la Cour  
que les extraits du present Arrest seront en-  
uoyez aux Bailliages & Seneschaussées de  
ce reissort, pour estre executé selon sa forme  
& teneur. Enioint aux Baillifs & Seneschaus,  
leurs Lieutenans generaux & particuliers,  
proceder à l'execution dedaus le delay con-  
tenu

tenu en icelui : Et aux Substituts du Procureur general, tenir la main à ladite execution, faire informer des contrauentions, & certifier ladite Cour de leurs diligences au mois, sur peine de priuation de leurs estats.

Signé, DV TILLET.

*Prononcé audit Jean Chastel, exécuté le  
Jeudy vingtneufiesme Decembre  
quatre vingts quatorze.*

Decidant à cogitationibus suis: Secundum multitudinem impietatum eorum expelle eos, quoniam irritauerunt te Domine. Psal. 5.

Virum sanguinum & dolosum abominabitur Dominus. Psal. 5.

Et concidam à facie ipsius inimicos eius: & odientes eum in fugam conuertam. Psal. 88.

Bonis nocet qui malis parcit. Sen. lib. de Moribus.



**C**ESTOIT en mon pays (SIRE) & au soir deuant votre lit que lisant quelques centaines de mes vers estrangers & entre autres

*Combien de faus Landris cheualeront la chasse  
Pour exploier le coup que leur Enfer pourchasse? &c.  
Bref combien de Marriers, de Chessés, de Clemens,  
D'Alceton & ses saurs monstrueux instrumens  
Entreboiront leur sang, pour serment plus valde,*

*De conspirations faites dans leur Aulide?* quel'oreille de vostre Maiesté honora ma lecture, d'une attention & audience non vísitée en si petites choses, plustot (ce croy-ie) que de crâncées, pour ne déroger à la verité de l'adage qui dit nul n'estre prophete en son pays. Or iustifie l'experience des atentas auenus depuis contre vostre personne plus precieuse que contregardée, n'auoir elle tant presciente raison que ma froide crainte eschauffa en mon cœur soubsonneux le zele qui m'eût commun avec vos suiets & deuotionnés seruiteurs, animoit & ma voix & mes vers & mes vœus a vous figurer ces hazars où vostre genereuse valeur d'une part, & vostre debonnaire facilité, de l'autre, expose lui les flots des seditieuses trahisons vostre Nestreslacree en laquelle sont enelos le Salut, le Repos, Paix & succés de vostre France Lihale, qui tremble a chaque sospir du vent, de peur de ne lui voir arriuer (que Dieu detourne) la moindre chose de celles que l'horreur apprehensue m'empesche de profer.

rer. Ce pendant pour répétition d'aucuns de ceus  
que peut alors ouyr vostre Maieité

*Garde toi non à toi, si tu n'en as enuie:*

*Mesnage de formais pour tes sujets ta vie,*

*Desirans posseder moins de bien & repos*

*Et iouir de tes yeus & de tes ans dispos.*

*Quelle possession & quelle paix complete*

*Se gale de ton sang à vne gouttelete?*

*Quels sceptres voudrions-nous & souhaits special*

*Et te sentir tousiours en hazard Martial?*

*O vrai Dece françois, vis pour les tiens en France.*

*Donne nous ce confort, apres tant de souffrance,*

*De te voir Ros regnant, autant comme soldard,*

*Premier, entre les tiens, de bon conseil & d'art:*

*Et vueille de nos ans allonger tes annes*

*DIEU qui file le cours aux Loix & Destinees.*

*Discours sur la parricide proposition des  
Iesuites contre les Rois.*

O Eternelle Majesté de Dieu, si la condamnable peruersité des hommes & l'embrasement de leur adultere spirituel auoyent esteinte en toy, la charité que tu portes au salut de ce genre digne de mille deluges, si qu'il ne restast plus, l'arrest en estant prononcé, que de l'abyssmer ou par eaus ou par feus du ciel, comme les citez de iadis, sur quelle espee de crime de leze majesté diuine & humaine, en pourroit auoir esté fait le procez, aussi enorme que l'enormité que ton ennemi & le nostre, le Prince de l'air & autheur des confusions fait auiourdhuy, venter, voguer & regner en la France si troublée d'orage & d'esprit qu'elle a perdu le sens & sentiment du mal-heur où sa conuiuece l'a plongee?

Je vous adiure, ateste, & proteste par deuant vous, ô inuisibles & visibles creatures, que si l'atheisme de Diagore, le blaspheme de Nicanor & Rabsaces, l'impieté des moqueurs de Noé, l'infameté des Gabaatides, l'enchantement des Pharaonistes, la necro-

manée de la Phytomisse, la forcellerie em-  
poizonneresse des Thessaliennes & toutes  
telles forceneries euaporées des marests de  
la mort seconde, auoyent escholes & publi-  
que permission en ce Royaume, que ie ne  
pourrois en attendre plus briefue & griefue  
punition des sergens de la haute Iustice de  
Dieu, que ie la crains & preuois proche de  
foudroyer sur nous, en vengeance du damna-  
ble exercice qui est presque adoré de nostre  
aveuglee superstition, touchant vne multi-  
tude de malins esprits encharnés, desguifés,  
& couuerts de face humaine, voire contre-  
faisans par l'imposture de leur soufre & pois  
allumez, les Anges de lumiere, pour seduire  
a leur possible, les esleus mesmes pour les-  
quels a respendu son sang precieus l'Agneau  
de debonnaireté I E S V S, du nom duquel  
mesmes ces profanes pourceaus de pollu-  
tion, & tigres indōtables de cruauté se cou-  
urent pour exercer sous icelui ce que Satan  
en habit & voix de Diable tel qu'il est, auroit  
horreur.

O Sacre-saint, o adorable nom de I E S V S  
sous qui toutes puissances doyuent flechir  
& cour-

& courber, comment es-tu auiourdhui si pa-  
tient, que les diables mesmes qui ont acou-  
stumé de trembler à ta seule nomination,  
s'emancipent & sortent tellement hors des  
gonds que surnommer leur detestable sy-  
nagogue, de ta redoutable sainteté? O am-  
bition du Prince des tenebres ia culbuté du  
Ciel avec les arrogans ministres qui deuoi-  
estres semblables au Tres-haut! S'apeler cō-  
pagnons ou de la compagnie de l'Eternel Fils  
de Dieu & s'arroger ce nom incommunica-  
ble mesme aus Hyerarchies celestes assis-  
tes deuant la face du Dieu des armées! Et  
ce sous ombre d'vne hypocrite Catholique-  
té pire mille fois qu'vne manifeste herésie!  
laquelle s'est licenciee de semer en ce mode  
des opinions plus pestilentes que la peste  
meisme, plus blasphematoires que le blasphé-  
me propre, plus atheistes que l'athéisme, &  
plus diaboliques & infernales que les mon-  
stres tresmonstrueux des enfers, comme il  
est aisé de conclure par les circonstances &  
chose s'adiointes à leur effet. La Peste tue les  
cors seulement, le Blasphème se repare par  
vn coupement de langue, ou purge par vne

repentance, l'Atheisme se pourmene es delices & aises de ce monde sans crainte de correctiō en l'autre, la Sorcellerie empoisonne la santé, & pourueu que le Lyon ruisant d'ēter emporte proye des ames, il se contēte d'icelles. Mais vous hypocrites execrables, Harpies a face de vierges, & a griffes de mōstres rauissans, il ne vous suffit de trainer à vostre pere le seducteur des esprits, si grande multitude d'ames, si quand & quād vous ne terrallez morts les cors? Vous, di-ic, indignes bastars des hommes & dignes fils de vostre pere q a esté meurtrier des le cōmençemēt en ce le surpassant qu'il ne s'est armé d'espee ny de fer (dit S. Aug. sur S. Iean) pour attaquer l'homme, mais de flateresse & persuasive parole qu'il a semee perpetrāt par la traitresse vertu d'icelle, l'homicide? Ne le surpassez vous pas & en arme, & en paroles d'execratiō? La doctrine des diables enseignée en vos terrestres colleges sonnent elles aussi doux, que celles de Sātan aus oreilles de nos premiers parens? Sont-elles pas sans comparaison plus espouuātables que celles du Serpent ancien? Māgez de ce fruit & vous serez  
sem-

semblables à Dieu, dit-il: & vous plus cruels  
ennemis du gère humain, Tuez (dites vous)  
vos Rois & vous meritez paradis. O enfer,  
si tu auois des lecteurs publics gagez &  
pensionnaires, que pourroyét-ils enseigner  
de plus execrable? Quelles positiōs, quelles  
declamations, quelles figures plus dignes de  
la boutique de Satan se peuuent soutenir,  
proposer, & exposer en veuë au plus noctur-  
ne Sabbat (comme on dit) de toute la de-  
monomanie & danse des esprits reprouuez?  
Quelle forcellerie aproche de ce renonce-  
ment de Dieu, & de toute pieté, tant enuers  
les parents que le pays, que d'emboire de ce-  
te poison, avec leur premier lait, les ieunes  
& tendres ceruelles des estudians. O Peres  
infortunez, vous despendez le meilleur de  
vostre biē pour faire instruire vos enfans en  
la crainte de Dieu, les auancer aux hōneurs  
& estats de l'Eglise, de la Cour & du Senat, &  
voila que l'abominable college de ces corru-  
pteurs de ieunesse, leur apprenent d'aller au  
conseil des meschās, de s'arrester au chemin  
des pecheurs, de s'allouer en la chaire  
contemprice de Dieu, traitresse du Senat.



& meurtriere de ses Roys. Quel atheisme  
qui seulement consiste au haussebec & mes-  
pris de certains Roys-bon-tems, est aussi  
pernicieux à la société humaine que ceste  
damnable saintete, abboyante avec tant de  
gueules infernales à l'ombre d'un clocher,  
qu'il est licite de tuer la majesté de Dieu en  
ses lieutenans? O chenil des mastines &  
furies d'enfer, ces heretiques abbois sont as-  
sez suffisans pour faire abysser & vostre se-  
cte coupable & les inculpables mesmes  
du siecle, auquel telle impieté s'est si bien  
sceu masquer du voile de Religion. Misera-  
bles ne vous couvrez du sac mouillé d'Aod,  
ne de Judith, ni de Samuel, ni autres lesquels  
il ne nous est licite d'imiter, contre les ty-  
rans mesme de l'Eglise, comme ceus la firét,  
tant s'en faut que deuiens conspirer telles  
executions contre nos debonnaires Rois &  
Treschrestiens, non pas mesme quand Ange  
sur Ange du Ciel le nous annonceroit, puisq  
Dieu qui ne peut mentir & est immuable,  
par ses saints Secretaires & Ambassadeurs  
nous commande de nous abstenir d'eux  
comme de choses sacrees:

*A mes*



*A mes Rois (dit-il) ne m'efaites  
Et ne touchez à mes Prophetes.*

Pernicieuse engence de Viperes, où est-ce que les Apostres, de la successiō desquels faulsemēt vous masquez vostre impietē, ont presché contre Herode, Neron & autres sang-sues des Chrestiens, qu'il estoit licite de les tuer? Qu'eussent fait, qu'eussent dit ces saintes brebis destinees a l'occisiō de Traian & autres Empereurs & dont, en recompēse de leur persécution, ils composoyēt les louanges en priant pour eus, si elles eussent eu affaire a deus aussi debonnaires Rois que nostre defunt & son successeur, aujourdhuy maugré vostre forcenerie regnant, & aussi zelez en leur Religion qu'ils sont plustost excusables de leur trop, qu'accusables de leur peu? Et neanmoins vous auez tellemēt atheisinez les vns de vos escholiers, Sodomisez l'esprit des autres, desnaturez & enforcez les entendemens de tous par vos blaiphematoires leçons, theses & disputes tolerees à nostre confusiō depuis trēte ans que ce reagal de doctrine leur est tourné en nourriture & habitude d'oser entre les bras

de leurs gardes & aux cornes de l'autel sacré  
assassiner la majesté presque diuine de leurs  
Rois, avec moult d'horreur & pitié, que les  
bouchers Sacrificateurs n'en auoyent d'ég-  
gorger vne beste vouee au Sacrifices.

O patiente humilité du Fils de Dieu qui  
en ta dernière nuit septimas le zele de l'un  
de tes domestiques te peniant secourir li-  
tement contre la violence & l'ouïon d'un  
vallet & soldat d'Euesque comme cit estoit  
gnée ton humble debonnaireté, de la cru-  
auté arrogante de ces trompetes de parricide  
contre leurs Rois sacrez?

Iaques, Pierre & Jean escholiers de toy sa-  
cré docteur I E S V S, qui sortis de ta classe ont  
retenu estre digne de toy de vaincre la per-  
secution des tyrans avec paciēce accompa-  
gnée de priere pour eus, ont bien euy de toy  
autres positions & propositions plus salutai-  
res que n'ont pas fait, Iaques Pierre & Jean  
escholiers & disciples des Iesuites, s'il est  
licite sans blasphemier, de nommer ainsi ce-  
ste secte de Roi-tuistes qui s'est arrogammēt  
attribué tō incommunicable nom de I E S V S,  
avec laquelle tu ne peus auoir non plus d'a-  
cōin-

cointaince & societé que le Soleil avec les  
tenebres & le meurtre avec le salut.

Le cousteau de cest inclement Iacobin,  
Jaques Clement à proditoirement & en sa  
chambrière tué le Roy Treschrestien prede-  
cesseur du present.

Le cousteau de Pierre barriere affilé sur  
vne autre pierre que celle où tu aguises le  
glaiue de ta Parole & lequel tu as mis non  
en la main mais en la voix de ton discipula  
Pierre, a bien osé se resoudre & acheminer  
au mesme atentat en la personne de nostre  
Roy viuant encores en despit des tragedies  
excitées par les fureurs d'enfer.

Le cousteau de Iean Chastel, disciple es-  
chauffé de l'estomac sanguinaire de ces bös  
prescheurs de dilection & charité Chrestien-  
ne, bien autrement que n'estoit de ton sein,  
ton discipule aimé Iean, a bien osé non theo-  
riquer & contempler seulemēt, mais Iudai-  
quement metre en pratique la plus horrible  
execration que toutes les chambres & tour-  
nelles d'enfer pourroyent coniuurer & con-  
spirer, leur fust-il permis de Dieu a cride  
Lâchee sur le col.

Voila le fruit procedant de l'arbre de ce  
beau seminaire & pepiniere d'estudes gra-  
tuites qui faccent & humet le gras des meil-  
leures & mieux retees maisons de l'Europe.  
Voila la doctrine & deuotiõ de ces m̃ageurs  
de Crucifix, la peinture desquels Crucifix,  
• nostre simplicité estimoit leur estre en reli-  
gion & veneration ci-deuant, nous di-ie qui  
ne sauons pas le secret, qui estoit de se repre-  
senter tousiours a l'œil, la figure d'vn occis &  
meurtri, pour se ramenteoir leur ordinaire  
cabale & leçon de mourir religieusement  
quiconque leur viendroit en fantasie, fussent  
les Fils de Dieu mesme, cõme on peut a bon  
droit repouter les Rois legitimes, qui nous  
doiuent estre en tel respect que s'il estoit he-  
te d'adorer autre que Dieu, ce ne seroit vn  
Ange qui le refuse, mais bien le Roy que ce  
grand Dieu inuisible constitue entre nous  
comme vn Dieu visible pour l'alloir au  
trõsne de iugement & salut.

O debonnaire Roy Dauid, que ferois-tu  
à ceste sorte d'Amalecites qui osent mettre  
la main impieusement tant de fois sur l'Oinct du  
Seigneur? Toi qui punis de mort l'auanta-

geus messager qui n'auoit reellement, ains  
le disoit auoir aidé à Saul, de sauancer la  
mort ineuitable, ie di Saul qui auoit esté  
l'Oinct du Seigneur & ne l'estoit plus, ains  
estoit reieté de cet estat pour les indignitez.

Mais ô vous venerable assemblée des Peres,  
inuiolable Senat & Soleil des Parlemens de la  
terre, combien que nostre Roy soit le Dauid  
de nostre France, & plus pitoyable que ie  
debonnaire Dauid de Iudee, ie couronne du  
chapeau de louange vostre fircete affec-  
tion & defens vostre cause deuant tous iu-  
ges de ce mode & de l'autre, s'il y a qui vueil-  
le controlier qu'avez différé d'avec l'indul-  
gente clemence de nostre susdit Dauid, ac-  
cusables au contraire, si suiuaus la facilité à  
pardonner à ses ennemis, vous eussiez obey  
à la trop pitoyable humanité & n'eussiez fait  
exemplaire & horrifique punition de ce sce-  
lerat & de sa seductrice synagogue plus ex-  
terminable mille fois que l'ordre des Tem-  
pliers maintenant innocens & iustifiez par  
l'impieté de ceste meurtriere couuee, les  
œufs & couleureaus de laquelle vous ecra-  
sez & ietez hors de voire France or-prime

seulement afranchie de la trespéstilente mortalité. Or est la benignité du Roy recommandable & Treschrestienne, mais ie n'estime moins l'integrité constante de vostre Iustice, la seuerité de laquelle est d'autant misericordieuse en ce qu'elle pouruoit au salut de toute la France, que la mansuetude & pitié du Roy se peut dire impiteuse & cruelle a lui & aus siés, comme faisant la planche par son impunité à l'insolente & diabolique temerité de s'aprocher pour le meurtrir, lui qui est nostre chef, nostre cœur & tout ce qu'il y a de vital en nous; En la conseruation duquel gist indubitablement la nostre & celle de nos allies & voisins & consecutiuelement de la Chrestienté, comme aussi nostre entiere dissolution & du plus bel estat qui florit iamais chancele sous le danger de la Maiesté, que DIEU par sa misericorde vueille preseruer à sa gloire & à l'estouffement de la tyrannie & vogue des meschans & perturbateurs conuarez de la publique tranquillité,

*Empeschant de nommer ce Siecle paricide*

*De Prince qui sera de nos monstres l'Alcide,*

Et destournant des prouinces nos amies cet orage qui à tant tonné sur nostre chef, voire

eclaté la dernière foudre sur celui de nostre  
Roy, le loyal conseil duquel prudemment  
diuertit ceste tempestueuse nuee & la chas-  
sée hors nos limites, nō en intentiō que ceste  
peuplade de volans dragōs plus qu'Africains  
s'en aille fondre chez nos bien-veillans & y  
soit receue. Car quiconques la connoistra  
(cōme la Serenissime Royne d'Angleterre  
qui fait qu'en vaut l'aune, & qui pieça dor-  
mist avec ses merces si elle n'en eult de s'engé  
son royaume) ne les receura non plus que  
l'or de Tholose & cheual Scian qui rend  
malheureus quiconques les possède, & quo  
la perle des forcieres Medee, qui apres auoir  
trahie le Roy son pere, & demenbré son frere,  
fugitiue paruint en fin chez le Roy des  
Corinthiens, duquel elle brula viue la fille  
& embrasa son palais pour sa dernière main.  
Mais s'il estoit licite au Chrestien souhaiter  
mal à ses ennemis, & si souhaits auoyēt lieu,  
ie ne desirerois à l'Espagnol & aus deu-  
reurs de nostre fraternele paix, que nostre  
armée les reduisist au petit pié, mais biē qu'il  
leur mesaduint de receuoir & d'establiir  
en leur sein endure ces atpies exiles de la



France, pour les endormir si bien qu'ils ne  
se reveillassent iusques au iour auquel cha-  
cun cognoistra par effect q'ces pipeurs se ma-  
squans de la belle & douce face de Pandore  
avec la boiste pleine de miseres, se sont im-  
pose le nom de IESVISTES en lieu de  
IESVHE'YSTES docteurs de ce parricide  
SATANHE'-CIELOU LEICHE-SATAN.  
Jean Chastel.